



DECLARACION UNIVERSAL DE LOS DERECHOS HUMANOS MOXEÑO IGNACIANO

ARTICULO 1

NAMUTU ACHANEANA LIBREABI BICUTIKAKA BICAYE'E DERECHU NAYE'E ENA APAMURIANA A CHANEANA.

ARTICULO 2.-

NAMUTU ACHANEANA KAYEANA LIBERTA WAÍ TANEREICA TIQUISAPUKA TIJAPU PUKA ESENAPUKA NAICHEJIRIRUA NAIRU IGLESIA NAPANERERU CAYEANAPUKA PLATA BIMUTU BICAYE DERECHU BITI ACHANEANA .
BIMUTU BITI BIUCHUCANAI TE APAQUE.

ARTICULO 3.-

BIMUTU BICAYE'E DERECHO BIUCHUCA LIBREABI BITI ACHANEANA.

ARTICULO 4.-

NAJINA EMANAINA ACHANE CAEMATANEMAI MAJUACHAREMAI NAMUTU ACHANEANA ENAPA ENA ESENANA CAWACHANAYA ENAPA AMAPERUANA WAÍ CAEMATANEANA'I MAWACHAREMAI.

ARTICULO 5.

NAJINA EMANAINA ACHANE NACARATAPAICAIMAI TE TICABIUREVAPUKA NAICHUAYA WAIWA NAITIJIBUCHAINAI WAIWA NAITIACAIMAI.

ARTICULO 6.-

BIMUTU ACHANEANA BICAYE'E DERECHO , BIMUTU BICAYE'E PARTE NAIMATIAMI BITI ACHANEANA ETAPA ETA BICACHASI.

ARTICULO 7.-

BIMUTU BICUTICACA TAMIRAU ETA LEY NAJINA TANEREJIRUINA NAMUTU TACATIUCHA ETA LEY, NAJINA EMANAINA PUCA ACHANE MATUPIACA NAIPIYARU ENA AQUENUCANA TIURUJICAWANAPA TE APANA APAQUE.

ARTICULO 8.-

NAMUTU ACHANEANA CAYEANA DERECHU CAYEANAPUCA PLATA TENAMIRAU ENA AQUENUCANA CATIU CHARAIANA TACAE MACAINI ACHANE WAI MASUAPA ETA JUKA LEY.

ARTICULO 9.-

NAJINA EMANAINA ACHANE NACARATACAIMAI TE CABUIREBAPUKA NAICUAYA MAPA'E TEWAI MASUAPA NAPAENUBA NACARATACA WAISERA NAMAPACHICHIJIKAMAI .

ARTICULO 10.-

NAMUTU ACHANEANA CAYEANA DERECHU, NAMUTU CUTICACANA NASAMAYARE NAMIRAU ACHANEANA FUESEANA O NAMIRAU ENA AQUENUCANA.

ARTICULO 11.-

NAMUTU ACHANEANA CABIUREBANA PUKA CAYEEANA DERECHO NACATIUCHA NAIMECHA YA ETA WAI CABIUREBANAI CAYESESEREIYA TE YATUPI PUKA CABIUREBA OWAIPUKA TAICHA NATANUCAYA NAKA TIU CHAYA .



ARTICULO 12.-

NAJINA TIMISIAPABAIMAI NAYE'E NAITARESIRA ENA NACHICHANAREANA NAJINA SIAPAIMAI TENAPENA .

ARTICULO 13.-

NAMUTU ACHANEANA CAYEANA DERECHO PAICANA LIBREANA BIPANEREA JACAINI BIABIAYA APAQUE NAMUTU ACHANEANA CAYEANA DERECHO TIUCHUCANA APANA AWUASAREANA TENAWUARA APUKA TICHAWANA TENAYE'E APAQUE'E .

ARTICULO 14.-

NAICARAIRI PUKA NAMUTU ACHANEANA CAYEANA DERECHO NATANUCA APANA AWASARE NABIAYA ETA DERECHO NAJINA TICAEPAINA TAICHA YATUPI WAI MACABIUREBAINI TE YATUPI PUKA CABIUREBA PUKA NATANUCAYA NAYE'E YA ABOGADO PASA NACATIUCHA.

ARTICULO 15.-

NAMUTU ACHANEANA CAYEANA DERECHO NAJINA TEÑAMINABIMAI NAJINA NABEAIMAICHU TAICHA DERECHO NAICHIWUACHA NAWUASA O APANA APAQUE'E.

ARTICULO 16.-

NA AJAIRANA ENAPA ESENANA TE NAITUCAPA CAEMATANEANA CAYE EPA DERECHO WAI TANEREJICA TIQUISA PUKA APANA AWUASARE APANA PUKA NAIRU IGLESIA O CAIMAPUKA O NAWUARA APUKA CAYEANA FAMILIA NAMUTU CAYEANA DERECHO NACAINI CAMURIANA PUKA ARAIMANA ARAYENACARE NAJINA EMANAINA AJAIRA NAWANECAIMAI ARAYENA TEMAWUARA APUKA PAINUMAWA ARAYENAYA.

ARTICULO 17.-

NAMUTU ACHANEANA CAYEANA DERECHO ETA NACAYEEQUENE ETA NAIMA AQUIENE NAYEE PUKA WUACA SIMENA PUKA NAWUARA PUKA MURIJI PUKA TEWAI PUKA NACARICHUPUKA NAJINA TEÑAMINABIMAI TAPIYE'E.

ARTICULO 18.-

NAMUTU ACHANEANA CAYEANA DERECHO LIBRE ABI TAMUTU ETA BIPANERERUANA ETAPA BEIRU IGLESIA BICAYE DERECHO BECHEJICA ETA BIPANERERUANA TE NAMIRAU ACHANEANA.

ARTICULO 19.-

NAMUTU ACHANEANA CAYEANA LIBERTA TA NAPANERERUANA NAJINA CAICA IBIMAI TAPIWUARA AQUENE PECHA TE PIWARA A PUKA PECHEJICA TE RADIO PASA NASAMABI NAMUTU ACHANEANA TAICHA TAJINA TAICHESIA TAMUTU AWUASAREANA TITECAPA ETA CHEJIRIRUCAWA.

ARTICULO 20.-

NAMUTU ACHANEANA CAYEANA DERECHO LIBRE ANA PIURUJICAWANA NACAIMATANERAYA NAJINA TIWANE CAIMAI TEWAIPUKA NAWARA ASIAPANA NAYE'E APAMURIANA ACHANEANA NAMURI .

ARTICULO 21.-

NAMUTU ACHANEANA CAYEANA DERECHO CABACUREANA AQUENUCANA TE AWASAREANA NAMUTU ACHANEANA CAYEANA DERECHO CUTICACANA .
TE NAIMI SIAPAYA CAWACUREYA MA ACHANE TIURUJICAWANA NATANUCAYA EMA NAYE'E NAYACARAYA O AQUIENUCAYA TAYE ETA AWUASARE.

ARTICULO 22.-

NAMUTU ACHANEANA CAYEANA DERECHO NAJANEACA PAESA TACUIJA NAICHAWA NAITARESIRA TAICHA NAYE'E DERECHO TAMAYEEREPIANA .



ARTICULO 23.-

NAMUTU ACHANEANA CAYEANA DERECHO ETA CAEMATANEANA ENA LIBREANA NAMEREJICA JACAINI NAWARA AQUINE NAIMA TANEYA TAICHA BIMUTU ACHANEANA CATIUCHA ABI ETA BEMATANEANA.

BIMUTU ACHANEANA BICAEMATANEYA ETA SERA TIURIYA ETA BEMATANE ETA SERA BIWUACHA TARATA AYA ETA BIWUACHA NAITARESIRAYA ENA BICHICHANABEANA.

NAMUTU ACHANEANA CAYEANA DERECHO NAIPIYACA ETA NAYE'E COMUNIDA PASA NACATIUCHABA ETA NAYE EANA.

ARTICULO 24.-

NAMUTU ACHANEANA CAYEANA DERECHO ETA TINARACANA ETA CAIJARE BACACION .

ARTICULO 25.-

NAMUTU ACHANEANA CAYEANA DERECHO ETA NAQUTICACA ETA NAITARESIRA ENAPA ENA BICHICHA NABEANA TIURI NAYA NAITARESIRA YA ETA NAYE'E ALIMENTO NAMUIRIA ETAPA NAPENA ETAPA NAYAMIRA HOSPITAL TAICHA BIMUTU BICAYE'E DERECHO ETA SEGURO TAICHA TE TAJINA BEMATANEANA BICAJU MAPUKA TEWAI PUKA WAI TIURI CAEMATANE CHABI CAABI PUKA O APANA PUKA BICHAWA.

ARTICULO 26.-

NAMUTU ACHANEANA CAYEANA DERECHO TISIAPANA, TE ESCUELA WAI NAWUACHACHAMAI ETA NARAWUAUYA TAICHA MAWACHACHAIPA EMA AQUIENUNA.

TE TIUCHUCAPA TE MARA WUAU SIAPAPA ANUQUE E PANAPA MARAWUAU CAYE'E DERECHO TISIAPA CARAWAU YA ETA CAIJARE PROFESIONAL.

TE TIUCHUCAPA MATANUCAYA MAIMA TANEYA YAPANA NAWUASARE.

ARTICULO 27.-

NAMUTU ACHANEANA CAYEANA DERECHO LIBRE ABI BITARESIRA ETA JAQUEINI YE EREPIANA ETA BIABI ANAPAI.

ARTICULO 28.-

NAMUTU ACHANEANA CAYEANA DERECHO LIBRE ABI NAICHEJICUA ETA NAIPIRAUI ENA AQUIENU CANA TE APANANA AWUASARE O APANA AQUIE .

ARTICULO 29.-

NAMUTU ACHANEANA CAYEANA COMUNIDAD ETA TAVI AI ETA MAPENANA TE TABIAI NAIMATANEANA ETAPA NAISANEANA .

ARTICULO 30.-

NAJINA NARATA'A ETA JUCA NACAIPA TAICHA NAIPIYARU AQUENUCAMA TE TIURU ICABANAPA NAIFI YACAPA ETA JUCA ACUERDO CATIU CHARAYA NAYE'E NAMUTU ACHANEANA.

TRADUCCION Y GRABACION : ANTONIO COSERUNA MAYUCO